



門 七武 〇
號 465
卷



疝癥積聚編



夫世有病腹痛者諸藥無驗

遂為痼疾連綿常苦不知其

由也予嘗用心考究之外臺

有石疝盤疝等說要略有寒

疝之論就閱之今之腹痛多



其症也余因此治之而得效甚多矣實似得其術然猶未爲得也何則痛愈後經百日或越一年有復發者然則不可謂絕根竭源之法也彼積聚之症病根難斷世醫或欲

以下劑斷之非其治也今余論疝亦類之雖非可果斷者然若果不治則何一治乎能一治則不可無治是未得其真故爾然欲一治之亦不得其法則難治假令再發復以

其法則足凌痛楚矣有用古
方不治者余新製方施之屢
得效矣繇此終身不發者不
鮮也今編集其論其方得奇
效者以爲一卷至使其病果
不再發之治者俟後之良工

耳

安永七戊戌春三月

張州海西大橋尚因著



凡例

一諸書謂疝者多矣然其深痼者或似他
症疝之真者古人言不盡意故初論之其
論與古言照則諸疝可見吾言可信也故
錄古人所謂疝之諸症又七疝之名彼是
不同有同名而異狀者有名狀俱異者以
此見之則疝不止七各以其所見命名者
乎故錄諸症以令知疝之萬殊耳
一謂積謂癥謂疝不知其形則易混同而

誤治則無效故委舉諸形爾
一諸方者余用之而得效之方而多古人
之方也其古人方而難治者余別製方以
療之其方則稱家方以附錄焉
一全類他病而吾爲之疝者記其治驗以
證焉

一世醫有以下劑治積者吾爲之撰論以
辨惑故不記方知其法則於衆書中自可
採用也惟於疝之方試之奇者特錄此耳

疝癥積聚編

張州海西 大橋尚因著

疝作諸症說

大凡治病先當正其名不正其名者猶緣
木而求魚也病欲治之者先當論其因正
其名蓋有積聚癥瘕腹痛諸症歷數年不
瘳者吾能見之疝病十居八九然人不知
而治之何得愈矣蓋不正其名不論其因
故也疝之諸症雖古人所言許多然心腹

痞硬如盤或如袋盛瓜或痛或不痛經數年而不癒者心下痞硬而嘔吐清水或年年吐食似反胃者或小腹微疼瀉利不止其病綿連者小使淋瀝陰莖痛而出膿血者腰脚麻痺或脚弱走痛難久立者腹中不和懶言語動作身羸瘦不欲飲食五心煩熱似虛勞者或腹中卒如鼓脹昏倒四肢逆冷欲死者或惡寒發熱舌上有白胎不入穀食四肢拘攣者午後發熱蒸蒸

汗如流上逆且眩者或遊走胸背或暴嘔吐或卒惡寒戰栗咬牙頃刻而止者或痛甚而爲角弓反張者或腰足痿不動者此等諸症皆疝之所爲而古人所不言也至如此者世醫不知何病猥與藥或中腕久痛則曰脾胃虛胸膈痛則曰痰腰卒痛則曰風濕相搏偶雖知之藥非其藥以此疾愈盛連年不癒遂爲不治而服餌都廢束手俟死者甚多矣夫疝者陰病而發動者

也其主則肝腎也其患先起于肝而入腎遂成二臟病其主二臟而先謂肝者何也肝易動難靜嬰兒無心亦動者惟肝而已矣故肝者寒濕易侵易客也而非無依熱者雖然其熱非溫柔之陽氣故寒又易客也雖元屬熱極則爲寒是其常也傷寒硝黃之症亦有久而用薑附者諸積久而爲疝則其寒不可全無也其諸積變爲疝何也肝急速而能動矣故走而接之遂爲已

病腎膀胱小腸爲之所迫自病則盤腸氣等症起焉肝以他之病者譬如俠客之救他之闕以他之敵爲己之敵也疝之爲諸症肝惟動故所畜之寒冷結氣橫行腹中衝上至心下則痞硬嘔吐下降至小腹則疼痛泄痢矣塞氣則如勞瘵塞膀胱則爲淋瀝肝主筋故攣急或筋縮屈伸不便又其肝腎二脈病則爲麻木痿弱等症外以經脈謂則起於足大指交出大陰後循股

入陰中抵小腹屬肝絡膽上貫膈布脇肋
連目系上出額與督脈會於巔是肝之所
循也腎又起於小指之下循內踝之後別
入跟中出腠內廉上股內貫脊屬腎絡膀胱
其直者從腎上貫肝上膈入肺中循喉
嚨如此其經從足至頭則其元雖在腰腹
而脚膺項背之病爭起可知也疝之所成
惟寒而已也故非烏附以敗癥散寒梔子
以行結氣則難治矣世人偏用木香檳榔

烏藥香附青皮枳殼等不問寒熱新久一
例施之彼換烏之輩何足敗癥散寒是以
累年不癒者盲惑衆盲故也醫者豈可不
選哉漢高得三傑而興矣蜀主得孔明而
安矣凡患疝者得以烏附治者應自安矣
唯有麻木攣急五心煩熱等證則他病而
何謂之疝果見有疝之所爲而後可以疝
治之故以疝疝之法別書之

疝疝法

諸積各有部位惟於其病也雖無有定位然多皆遠臍動氣腸間奔鳴惟似蛙鳴者也或自岐骨至橫骨如建竿或自胸下至小腹大筋一條相貫者或臍傍一塊奔突鈎痛者或其元在臍而胸脇苦滿心下痞硬者或睪丸連小腹急痛者或結聚臍腹則腰痛上衝胸脇則徹背痛或腹痛則腳攣急及轉筋此等諸狀非有常者朝見此症夕見彼症者也是此諸症皆疝之候也

雖無顯然其形而必有動者有鳴者皆此疝也其元如此而雖有似痿痺及反胃者爲疝無疑藥餌如法可自瘳也雖似他病皆疝之所爲也以此診察則是非明也矣

諸疝

水疝囊腫如水晶或囊痒而流黃水陰汗自出小腹按之作水聲

筋疝陰莖腫脹或挺長不收或痛痒

狐疝狀如仰瓦臥則入小腹如狐之晝出

穴而溺夜入穴而不溺

尸疝心腹厥逆不得氣息痛達背脊

石疝心下堅痛不可手近

寒疝臍下堅痛得寒冷食輒劇或達臍痛

若發則自汗手足厥冷或腹中痛及脇

痛裏急或身痛手足不仁

盤疝脇下堅痛大如手時出見若不見

脉疝小腹脹滿引膀胱急痛

氣疝上連腎俞下及陰囊或難於前後洩

而溺赤病見寒氣則遺溺使人腹脹

牡疝在臍下上連肺

血疝臍下結痛女人月事不時或如黃瓜

在小腹兩傍矣予按李挺曰如黃瓜在

小腹兩傍俗曰傻毒瘡家之一病而與

疝不同傻毒不日而膿潰或又其部位

不限腿膀小腹間其症雖不速膿潰然

非無膿潰者雖非無其潰與傻毒之潰

下劑則輒瘡至血疝之症者難以下劑治與疝之以諸劑自瘡者甚易辨何混而謂之乎然其書之意令人易知耳為易知則可也謂俗曰傻毒者而實非傻毒則豈如斯書之說乎如斯書之說則雅名血疝而俗名傻毒也傻毒與血疝二病元不同李子之言不分明矣

盤腸氣腸中奔氣作聲成痛
膀胱氣小腹陰囊手按作聲而痛

小腸氣小腹臍傍一硬升上鈎痛
腎氣小腹下注上奔心腹急痛
腸癰外腎偏墜腫痒或痛
印癰玉莖腫硬引臍絞痛甚則陰縮肢冷囊上生瘡
氣癰素有濕熱因怒激起相火昏眩手搖如狂

水癰外腎腫大如斗如升或不痛不痒
木腎睪丸腫痛或堅硬頑痺不痛

偏墜陰子偏大偏小也
癩疝在婦人則爲陰戶突出

諸積

肝積名曰肥氣在左脇下如覆杯有頭足
心積名曰伏梁起臍上大如臂上至心下
脾積名曰痞氣在胃脘覆大如盤
肺之積名曰息賁在右脇下覆大如杯
腎之積名曰奔豚發於小腹上至心下若
豚狀或上或下無時矣予按入門曰有

積聚成塊不能移動者曰癥言堅硬貞
固也或上或下或右或左者曰瘕然則
積之甚者謂癥其移動者謂瘕與積聚
無異如驚癥驚瘕以其形名者也豈依
吃驚邪如米瘕豈因吃米哉凡有積聚
癥瘕者其臟腑必不平故偏好一物耳
世病積者有好吃菓實有好吃蔬菜以
米瘕等說名之則可稱菓實瘕蔬菜瘕
是不因吃米可知也如應聲瘕腹中雖

疝瘕積聚
爲人語，然吾未見之。古人謂之則雖非
決，無然不知其真，故不論此。又諸癥瘕
與積同類，故不別列名狀也。

治驗

丁未之春，予右足大指痛，物觸之痛甚強，
踏亦難忍。擇方服之，無驗。以藥貼之，以
藥湯薰洗之，猶無寸效矣。自謂緩風濕
痺等症，將發乎。然用治風痺方，無驗，則
非其病可知也。一日，疝上充，塞心下，疼

痛劇矣。卽服桂枝加附子湯三貼，而腹
痛止，趾痛亦去矣。後歷數月，復發。治之
如初，而指痛忽止。於是全愈。始知疝之
患亦及四末。蓋以疝方治其病，故記載
以爲後助矣。

一婦人吐食甚，衆醫皆以爲翻胃。身體羸
瘦，起居轉難。十有五年，猶未治。諸醫俱
束手。予診脉以爲寒疝，根在臍腹，大如
覆杯。此痛令人吐者，也是衆醫所過也。

與家製半夏湯五貼，便止。止而又下痢，蓋寒邪逐水飲上奔，則吐也。下行則下利，今也實下行矣。宜先治瀉，因與家製苓朮羌附湯，瀉果止矣。而後以古施附湯攻病源，不過五七劑而全愈。病婦曰：百年之患為君失矣。傍人又曰：起號之妙也。

同袍牧子圭過予，曰：吾母病心腹痞滿，疼痛不飲食，日吐水數升，骨立倦怠也。他

醫為留飲治之，無驗。其年七十餘，一以喜其壽，一以懼此病，吾子願治之。予往診其脉，告曰：寒疝也。病得之寒矣。病母曰：君之言是也。吾一日嚴冬，冒風忽為惡寒，無幾此病發。予曰：一朝之邪何至此乎？是元有疝，外感之邪相促，以使然也。即為之作茯苓湯飲之，藥入腹吐即定。又與桂枝加附子湯平其疝，而病方已。子圭又來曰：曩阿母疾病矣，藥治無

驗焉僕不勝其憂足下爲吾惠藥以起其廢潑荷大德何日忘之

一男子有患天行病者惡寒發熱頭痛煩躁譫語予治之而病頗瘳雖然猶未了腹或微疼飲食不進間又發熱頭痛餘邪似未盡然無有邪脉將是勞復乎用其方無驗用諸調理之劑無有寸効再診之心下有所結聚按之暗然有冷氣時鳴動矣是果寒疝也嗚呼過矣諸

所爲非其治參芪雖尊非其症何得其效遂轉方治其疝五七貼而頗安繼與之諸症豁然其方則桂枝加附子湯也森村生晚秋患痢疾甚而口燥溺澁下痢晝夜二百餘行裏急後重腹硬滿疼痛不欲飲食予以承氣湯等平之病漸已雖然惟精神未復飲食未進起居勞倦矣自以爲其脉代也疲甚矣恐關性命邪傍人又日攻擊之弊遂成之邪卽迎

予令診脉予曰經曰脉去來時一止無
常數名曰結此脉無常數與臟腑虧損
之代不同是結脉也結是積也應有積
便診腹則果有矣按之為蛙鳴是疝也
與補腎湯病已脉又平也

一男子巖寒之日卒惡寒戰栗手足逆冷
近火惡寒不止半日漸退而心腹脹滿
疼痛腰脚攣急下利不食舌上白黃胎
衆醫皆以為卒中寒予診脉曰寒疝也

補腎湯加附子與一劑病頗緩繼與之
諸症豁然此病豈卒中寒為之舊冷相
積以使然也所以知其病者其脉緊而
結緊寒也結積也腹鳴似蛙鳴是余所
以為疝也

一老翁手臂疼痛自以為痰予診脉曰疝
也他日心腹痞硬或腹中應拘急翁曰
然予曰臂與腹其本同矣與桂枝加附
子湯病已

一男子患腰痛三十日不能起藥針灸皆無驗一日迎予請治診其脉滑而急予曰是積之脉也非有積邪病者曰無有矣予曰如疝痛則雖其形不顯然或引睪丸或臍邊有動氣或爲腹中雷鳴耳病者曰然雖無引睪丸等症時雷鳴或似積在腰下予曰果疝也疝伏而不顯反著腰以令痛與補腎湯其病尋已予曩客蓬北有人過予之旅館曰吾久患

下利衆醫皆以爲脾胃虛治之數年而無瘳願爲吾治之予診脉曰脉無虛候豈爲脾腎虛乎若果虛則數年之病形體何不衰乎其人小腹有塊雷鳴予曰是寒疝也吾能可治之卽製劑與之果驗其方家製苓朮羌附湯是也

有人患心痛三年百藥無有驗予診之曰石疝也痛甚故痛及心也痛者殆虛不可攻擊以建中湯養中焦加附子以和

一 痼繼與蒼朮湯和心下不過十貼全已
婦人病衆醫爲鼓脹治之無效予診其
脉曰痼之濕症也先與三白湯下如豆
汁者數升脹頗瘳繼與桂枝加附子湯
全愈所以知其病者鼓脹則無消長今
病緩則消焉盛則脹焉時腹鳴響是所
以爲痼也

松山生者患淋疾十餘年焉一日大發莖
中疼痛小便膿血小腹有塊牽引脇下

予診之曰盤腸氣也便血雖似血淋有
塊痛者難爲血淋設使爲血淋亦當利
腸氣卽作四味茴香散與之卒痛止血
淋全愈

一 男子腹中遠臍有塊爲鳴動一日卒得
腰脚痿弱不能動予診其脉曰寒痼也
此病寒邪客肝腎二藏令然其經亦爲
寒邪所關故爲此症耳非烏頭以治痼
附子以行經不可治卽與烏頭煎一劑

瞑眩甚矣病夫曰藥增苦楚不堪服予
曰是將愈之候也藥不瞑眩其病不瘳
是也曲喻之強服之病略愈再與梔附
湯加味豁然

一婦人有病按予診其脉痼癥也與大黃
附子細辛湯下其寒再與桂枝加附子
湯病已予未往診時以五心煩熱心氣
不樂羸瘦倦怠衆醫爲虛勞予獨以爲
痼癥何者心下顯然有塊按之有冷氣

而爲鳴動也勞症之邪在脾者或雖似
之然勞之痞塊何有鳴動冷氣乎痼亦
從七情起則心熱不樂亦痼之候也此
人果勞則治勞之劑何不效乎吾以爲
痼不亦宜乎

一老翁小腹痛腹鳴血痢日數十行自以
爲痢尤甚者也予診之曰痼也夫痼病
屬肝肝藏血正邪相搏傷其血故下血
也邪傷血而利則可與血利同治雖然

是病元自疝來，不治其本，不可也。即與補腎湯病瘡。

一婦人患心痛，五年諸藥針灸無有效。予診脉曰：心下痞硬，正是積也。然非五積部位，雖殆如盤疝，然其位高，則難為盤疝。極知疝客心脾，邪正相爭，奔騰故上衝心下而痛也。先與桂枝加附子湯和其疝，和而後以手法拈散餘邪，心脾痛全已。

一男子常苦疝瘕，一日大發，腹硬滿疼痛。予診之，其脉沉緊而伏，傍人皆為死症。予曰：積聚癥瘕之病，不可卒死，何足恐哉。即與神保丸十五丸，藥下，咽病率已。

寒疝主方

桂枝加附子湯 治寒疝心腹疼痛手足

逆冷身體拘急方 桂枝芍藥

附子各六分 甘艸 大棗 生薑各三 水煎服

補腎湯方家 治寒疝肚腹疼痛泄瀉胸滿痞

塞或虛火上攻古胎不食方

附子 人參 白朮 茯苓 黃芪

木瓜各五分 羌活 乾薑 沉香各三分 紫蘇

川芎 甘艸各二分 右水煎服

苓木 羌附湯方家 治寒疝小腹疼痛泄瀉不

止甚則交血利者方 茯苓 白朮

羌活 附子 甘艸 大棗 右水煎

甘艸 乾薑湯方家 治諸疝泄利者方

甘艸 乾薑各五分 蜀椒 附子各三分 右水煎

真武湯
茯苓白朮
附子芍藥
生姜

茯苓湯方家 治諸疝嘔吐不止飲食不納方

茯苓五分 陳皮 附子 白朮各二分 半夏

吳茱各一分 水煎臨服薑汁一匙入溫服

生薑半夏湯方家 治同前方

生薑六分 半夏 吳茱 附子各三分 右水煎

薑椒湯方外臺 治胸中疝積嘔吐飲食不納方

半夏 茯苓各三分 桔梗 陳皮各二分 桂枝

附子 蜀椒 甘艸各一分

右水煎臨服入薑汁一匙溫服

烏椒湯 治心胃時痛時止經年月不止

烏頭 蜀椒各六分 乾薑 桂枝各四分 大棗一枚

右水煎服

半夏乾薑湯 治心胃痛不可忍方

乾薑 桂枝 半夏 蒼朮 生薑各等分

右水煎服

蒼朮湯 治諸疝心痛時痛時止久不已

蒼朮八分 藁本五分 右水煎溫服

十味蒼朮散 治諸疝肚腹疼痛方

蒼朮 黃柏 香附各七分 青皮 玄胡

益知 桃仁各五分 茴香 附子 甘艸各三分

右水煎溫服

古梔附湯 治寒疝入心腹卒痛及小腸

膀胱氣疝刺脾腎氣攻變急極痛難忍

腹中冷重如石自汗不止等方

梔子 附子等分 右水一盞酒半盞鹽

一撮入煎服即方也

烏頭千金方 治諸疝腹痛方

乾薑八分 桂枝六分 芍藥四分 烏頭 甘艸

大棗各二分 右水煎溫服

蜀椒湯外臺方 治寒疝心腹如刺繞臍腹中盡

痛者方 蜀椒 乾薑 附子

半夏 甘艸 粳米 大棗 水煎服

茯苓桂枝湯傷寒方 治疝作奔豚方

茯苓各分 桂枝 甘艸各四分 生薑少 水煎服

四味茴香散 治疝作淋瀝囊莖抽痛方

烏藥 良薑 青皮 茴香等分

右為細末溫酒調服

三白湯方家 治疝作腹脹滿方

白朮三分 桑白 白朮 木通 陳皮

茯苓各五分 大棗一枚 右水煎臨服入薑汁

一匙溫服

厚朴七物湯要略方 治疝腹痛甚而為脹滿者

厚朴八分 甘艸四分 大黃三分 大棗 枳實

桂枝 生薑各二分 右水煎服

大黃附子湯要略方 治疝腹脹滿痛甚欲絕者

以此方不為下利者不治

大黃 附子各六分 細辛四分 右水煎溫服

心疝湯 治繞臍痛上支脇心下大痛方

芍藥 蜀椒 桔梗 細辛 桂枝

乾薑各六分 附子二分 右蜜少入水煎溫服

良薑湯方家 治諸疝心腹絞痛如刺兩脇支

滿煩悶不可忍方 良薑五分 當歸

桂枝各三分 厚朴 附子各二分 右水煎溫服

薑桂湯方家 治寒疝心胃痛不可忍方

乾薑 桂枝 蒼朮 半夏 附子

生薑各等分 右水煎溫服

饑疝湯 治饑則心胃痛得食則痛止方者

龍膽 附子 黃連各等分 右水煎溫服

奔弛湯 治寒疝手足厥冷上氣腹滿絞

痛欲絕方 生薑九分 半夏 桂枝

吳茱 人參 甘艸各二分 右水煎溫服

疏荔丸 治寒疝上衝塞心臟痛甚手足

厥冷欲死者方 荔枝核 陳皮

硫黃各等分

右為細末以飯為丸梧子大

每十四丸溫酒送下

手拈散 治疝塞心下痛甚方

玄胡 沒藥 甘艸 五靈脂各等分

為細末每三錢溫酒送下

當歸茴香散方家 治寒疝小腹痛方

當歸 茴香 附子 良薑各等分

右水煎溫服

神保丸 治諸積氣痛項背注痛宣通臟

腑之方 全蝎七箇 巴霜十箇 木香

胡椒各五分 右為末蒸餅丸麻子大硃砂

為衣每五七丸用

烏頭煎方 治暴疝閉塞諸方不應者

烏頭二錢 水一盞蜜半盞煎一盞取用

抵當烏頭桂枝湯 治暴疝腹痛逆冷手

足不仁若身痛灸刺諸藥不能治方

方要略見寒疝下

積衆治方論

人有五積六聚有疝有癥有瘕同腹中有形之病而異名者甚多矣是何因而得之積聚者宿食痰瘀血以成塊者也癥瘕者臟腑虛弱飲食不消化而結聚也疝者濕熱凝滯于肝經令然也是皆古人之論而非無是理然痰瘀血宿食則利下可以治已利下而不瘳則似難為痰瘀食予按是皆一氣凝滯結聚而令然也故難經曰氣之所聚名曰聚氣之所積名曰積是之謂

也故氣之所不平者則邪之所以相集也雖言相集然積聚之地其邪相依託而已非其物成病故氣不和則雖攻其塊不消見其不消者為痰瘀食治則至害人命故恬淡虛無而理心者無有此患焉故飲酒人有積者少矣其氣不凝滯故也是以虛女不出閨門者而患積聚則百藥不治嫁則自消和矣其氣舒故也是其相集者標而其氣為本可知也不治本而治標非真

治也故節思慮養性情者何積之有然頑
愚婦女輩何以行之故酒以忘憂或段絲
竹以蕩之如此而不愈者藥不可不以治
之欲治之者以木苓半夏厚朴生薑枳殼
橘皮木香檳榔等藥下氣行氣解胸腹痞
塞鬱氣結聚或有熱者和解之甚者小通
利之痰食託之爲害則消化之劑併治之
自愈也又痢之症有久而吐瀉者惟此症
與諸積不同客寒內沉故邪正爭而使吐

下也其吐水者以木苓生薑吐食者以附
吳半夏下利者以羌附木苓腹痛者桂甘
芍附或寒客之深者以溫下之藥少下之
則病雖深痼無不治矣五積之症猥以峻
下之劑則反至生他變世醫往往有用下
劑者真救縊而引其足也可不戒哉惟女
人血塊雖可攻之然有氣和自消者則不
攻亦可也諸積雖行氣之劑可以治一憂
一慮復正發如初也故欲斷病本先斷思

慮可也使之能節思慮者非醫之所能其不能節者無如之何

藥說

病有寒熱藥有溫冷非寒病多而熱病少又非熱病多而寒病少故周而不比不可不節溫冷然而溫冷之藥以何為主是各有其功優劣難分然非無優者參附薑桂硝黃芩連是優者也以此物為勝何也百病不能離寒熱之二焉寒熱二病不能離

此藥此餘雖有溫冷之藥以此諸藥為最也故特為尊之而已為治者宜分此二品然此症亦有難分者表熱裏寒潮熱之症反宜溫藥也裏熱表寒四肢厥冷之症反宜寒藥也內傷外邪壯熱者有宜溫藥者非徒是也似寒不寒似熱不熱者屢有之一藥違則大害生是此八物甚難用矣其餘諸藥雖間有違失非忽告變者只此八味之藥最難使焉若可與薑附者反以

硝黃則其害不少也以一匕之藥害人之性命為醫者不可不慎然恐其猛者而徒用其劣者則無有驗然古今醫人治方有各不周者或有偏寒者或有偏熱者如斯則一寒一熱不得無過故分八物之性寒溫不偏而能治之可謂良工君子醫其偏者為下工小人醫凡行醫者無為小人之醫每臨百病以八品之藥為主加以溫涼之良藥五六品出入能用之則其病無

不瘡而自達治號之妙境耳

痲癥積聚編終

[Faint bleed-through text from the reverse side of the page]

跋



海西橋氏為世良醫以其居
邊徼人不之知也已少時入
京受業於駒御醫既還病者
麋至今年七秩其間所治藥
者不知幾千萬也最用心於

疝瘕一症奏效最捷其法其方世醫所不企及也余曾聞諸門人玄節爾橋生一日來謁于余曰僕生來用工夫於疝瘕一症似粗有所得者可謂愚者一得也唯恐其法其

方蕪沒於後世而無有識者也因著疝瘕積聚編一卷方將梓之以傳播人間願先生賜一言以嚆矢之余取讀之文字雖固陋而似有所見者也因語之曰余觀近世方書

猶歉歲之玉雖美於目無益
於飢也如吾子斯書猶豐年
之穀雖爲人所賤而不可一
日無之耳果使其方有益於
世邪何問文字之工拙哉吾
子欲梓之余何惜一言遂題

其後還之

安永七年龍集戊戌夏五月

張藩醫官滕惟寅撰



天明七年 未孟春

大坂安堂町心齋橋筋

大野木市兵衛

京堀川佛光寺下町

河南四郎兵衛

名古屋本町七丁

藤屋 吉兵衛

同

永樂屋東四郎



